

竹嘯軒詩鈔卷六之十

竹嘯軒詩鈔卷六

長洲沈德潛碣士

鶯脰湖詞

庚寅

湖波起縠晚風餘。一抹殘霞畫不如。傍岸漁家盡
收網。綠楊深處賣銀魚。

岳鄂王墓

今古含冤地。孤臣舊死忠。已成三字獄。竟廢十年
功。匡復憑諸將。沉淪念故宮。六陵殘毀後。泉壤泣
英雄。

大將迴戈日。中原陷敵時。朝廷輸幣帛。父老望威

儀天意竟如此。神靈儼在茲。千秋見孤憤。認取向
南枝。

于忠肅公墓

宰木豐碑拱墓門。旌功祠畔禮忠魂。孤臣決策安
中國。羣小訛傳召外藩。共信玉符存內府。空教熱
血灑荒原。隔湖相望。栖鴉嶺。岳墓兩地深沉。萬古冤

西湖雜句

六橋楊柳罨輕煙。細雨絲絲汎畫船。乍識澹妝西
子面。亂頭粗服更天然。

意行初過望湖亭。教伎樓邊步暫停。禪榻鬢絲空

學道閒情猶問舊西冷

女伴閒行過淨慈金錢暗擲卜歸期鷺峰尚有飛
來日不信狂夫愛別離

南渡江山入眼明荷香桂子若爲情却憐一片臨
安月同照龍沙五國城

葛翁嶺對萬松岡秋壑堂前御墨光今日寒煙籠
蟋蟀路人猶說賈平章

賈似道關
蟋蟀處

湖光宜雨最宜晴好景偏憐夜色清十里畫船歌
舞歇月明徐聽按箏聲

晚風颯颯林端生雷峰塔前夕照明南屏鐘動鳥

竹嘯車言金卷六
飛絕。人在亂山缺處行。

數聲柔櫓劃波還。暮色蒼然滿四山。勘破西湖塵土夢。夜涼月白話禪關。

玉泉觀魚

石甃紅泉畔。遨遊金碧魚。聽經朝誦候。得食午齋餘。眾留從無患。江湖或不如。衆生通佛性。爲傍化人居。

靈隱寺贈諦暉上人

慧祖開山處。禪關澗壑深。雲生牕戶裏。泉響竹松陰。齋盃空羣味。蒲團長道心。相逢老尊宿。閒話去。

來今

冷泉亭

怪峰迴合處。一水鑑虛明。不記何年冷。能令萬古清。涵空天倒映。穿石磴常鳴。靜向亭隅坐。冷然滌性情。

韜光寺

松寒泉冷處。石磴上千重。江湧牕前水。雲移杖底峰。香臺惟葉聚。藥竈有塵封。此地人蹤少。麈麈到處逢。

訪倚石菴

雲外聞鐘聲林中尋古寺山花點布袍落葉響芒屨失路不逢人還依蘿逕去

飛來峰

入眼忽驚怖高峰最奇特空巖訝玲瓏絕磴歎偏仄石角利劒形峭壁古鐵色無須五丁鑿豈仗巨靈擘恍疑靈鷲峰來從化人國樹木不著土長根起危石飛泉激山足鍾乳滴巖隙跼步入空洞側身探昏黑灣環得古湫神龍此窟宅俯瞰裂坤軸杳冥不可測陰風襲衣裾毛骨俱悚惕當年西域僧

楊璉真伽

佛像肆鐫刻變相逾百千成功祇一昔宋陵

既遭毀名山亦懼厄我欲施鑿鑿鏟平千仞壁有
志竟未能對此空歎息

吳山懷古

大觀亭榭俯丹梯千尺峰巔一杖藜孤嶺界分城
內外長江畫破浙東西潮頭如馬當空立山勢猶
龍入望低吳越興亡總陳迹伍胥祠畔草萋迷
手持强弩捍錢塘賜券分茅異姓王五季代傳唐
土地百年廟受宋蒸嘗林柯曾寵將軍號溪谷還
沾錦繡光今日吳山遠凝睇表忠舊觀久淒涼
夫差曾報闔閭仇宋室南遷事竟休和議有人增

歲幣偏安無諂復神州。中朝已灑萇弘血。塞北空
聞杜宇愁。莫上鳳凰山頂望。冬青誰認舊陵丘。
襄樊失守勢飄搖。半壁河山付北朝。餘燼但依新
會水。無情深恨浙江潮。君臣俘馘歸沙漠。宮殿荒
涼遍黍苗。唯有青山終古在。夕陽回首客魂消。

錢武肅王鐵券歌

錢塘錢氏王家孫。忠懿以後爲齊民。家藏乾寧舊
鐵券。精采斂目光彌新。自言先世曾避賊。亂離棄
擲江之濱。漁人網魚得古鐵。有如周鼎出泗濱。裔
孫換歸十斛米。世世什襲稱家珍。文云皇帝嘉賚

汝官汝太尉兼諸軍。誅宏殺昌盪渠寇捍衛王室。
崇殊勲。恕汝九死子三死。長河泰華國永存。欽哉。
汝鏐其敬聽。頒示天下文云云。從來事往祇陳迹。
唐家事業同煙雲。吳越四傳旋納土。至今臨安宮
闕皆成塵。我來浙西訪古迹。錢王寂莫留荒墳。昔
聞山林裏錦繡。今見壞道眠麒麟。表忠舊觀亦頽
廢。斷碣剝蝕叢荆榛。隆隆霸業竟何在。惟有銘功
鏤版傳千春。子孫奕世念祖德。無忝忠孝承清門。

度白沙嶺

柳粟穿雲路。芒屨度石城。斗然一峰上。盡見衆山

橫怪鳥時聞語幽花不識名五雲低首望隱隱晚

鐘聲

雲栖寺在五雲山下

遊雲栖寺

長松萬壑蛟龍吟引我入山深復深老僧修行唯
贊佛客子訪道還洗心巖前白雲有來去池裏青
蓮無古今誰能此地結茆屋壁觀峰頂常幽尋

刈麥行

前年麥田三尺水去年麥田半枯死今年二麥俱
有秋高下黃雲遍千里磨鎌霍霍割上場婦子打
晒田家忙紛紛落磴白於雪瓦甑時聞餅餌香老

農食罷吞聲哭三年乍見今年熟

折楊柳歌詞

折柳送征夫青青不忍折春風知我意長條自吹折

兒時聞燕京說在天盡頭郎今遠行邁恰向燕京遊

贈郎楊柳枝與郎作馬鞭柳枝憔悴日驅馬返故園

雞樹歌為顧嗣宗賦

陶齋坐我雞樹下。擘牋命作雞樹歌。橫空無力盤

硬語敢繼北海銘娑羅君家何年有此樹詢諸故
老歲已多老人大父孩幼日已見合抱迴交柯託
根相傳炎宋代屢遭兵燹神撝訶直枝叅天接雲
霧膠翰俯地緣煙蘿童童青蓋蔭數畝空際不見
行羲娥耳邊時聞雷雨作樹外仍覺天晴和花開
遠近透香氣恍疑天畔飛曼陀纍纍結實供采摘
手潔乍喜新揉搓孫枝於今亦拔地龍蔥密葉榮
前坡主人齋閣構其下盤桓髣髴軸與邁時招賓
朋共觴酌飯飮鮭菜烹桑鵝軒牕陰沉醉朝雨濃
綠掩映朱顏酌千年之樹吾所羨坐閱時世驚流

波摩挲老榦三太息。此身自訝同蓬科。

和尤滄溟宮贊書興

歸田久已補南陔。時向閑園步屨回。半壁夕陽山
雨歇。一池新漲水禽來。煙霞好語傳賓座。鸞鳳清
音上嘯臺。莫問錢王舊亭榭。荒原處處有蒿萊。

觀丁將軍佩劍

空堂歛忽生雷電。開鞘驚蛇吐光燄。狂生決眼三
孛孛。知是將軍舊時劍。將軍拜命領專城。一劍橫
馳十萬兵。八桂林邊芟猛虎。皖公江畔戮長鯨。時
平邊塞無烽火。脫劍韜戈偃威武。功勒旂常老將

亡空餘佩劍懸梁柱。孫子騰驤汗血騮。與酣把酒
看吳鉤。縱談先世專征事。猶有寒芒燭斗牛。

獨釣

水清魚可數。投竿意悠然。魚驚釣絲影。散處蓮葉
間。終日閒我釣。靜對溪南山。僧來施魚食。祝魚避
深淵。感此多惻隱。罷釣行歌還。

家人生日

廿年負戴久相依。恰值黔婁生計非。顧我無才勞
馬磨。憐君有淚灑牛衣。青裙縞袂風常在。錦幙香
車願已違。不用鹿門方避跡。前程共指釣魚磯。

嬾性相將竹石居。批風抹雪半生餘。曉寒龜手親
提甕。永夜篝燈伴著書。出塞未須愁失馬。過河曾
爲泣枯魚。野蔬充膳尋常事。元相家風在我廬。
南轅北轍總難行。之子相邀變姓名。不厭蓬蒿知
有命。偶談梵貝証無生。年光荏苒當迎亥。斗柄昏
黃看指庚。四十窮愁真負汝。他家夫壻已專城。

古詩三章贈施覺菴考功

鸞鳳儀明庭。一鶴翔碧虛。雅志慕張邴。遺榮賦遂
初。築室廉讓間。宛然隱者廬。歸岫望閒雲。縱壑觀
遊魚。妙善慮長冥。達生理無餘。雲臥晝寂莫。鍵戶

竹園車言金卷六
時著書抱膝懷古賢千秋見軒虞

雲煙落几上花竹秀階下中有林臥人昕夕究風
雅文府盈珪璧宮懸響韶夏晤言坐空亭清風自
瀟灑片語示機理萬物歸陶冶苦心知者希因憐
嗣音寡偃仰林園中慨焉俟來者

霜露肅萬象秋氣日以深寒菊秀籬落幽蘭歇芳
林哲匠撫時序發興成閒吟招集文翰友淹留松
桂陰清言遣世慮急觴盪幽襟登高送遠目觀水
清道心懷抱欲抒寫一鼓風中琴

簡楊大瓢